

# O le Mataupu Faavae ma Feagaiga 23–24: Fautuaga mai le Alii

Filifili ia le itiiti ifo ma le toalua tagata nei e faitau i ai. Vaavaai mo fasifuaitau i fuaiupu e fesootai ma le aotelega o talafaasolopito. E mafai ona fesoasoani lenei mea ia te oe e iloa ai e silafia e le Tama Faalelagi ma Iesu Keriso tagata taitoatasi ma ofoina atu fautuaga mo o latou olaga patino.

## Oliva Kaotui

### MATAUPU FAAVAE MA FEAGAIGA 23:1–2; 24:10–12



O Oliva o se faiaoga. Sa ia auauna atu o se tusiupu mo Iosefa Samita le Itiiti a o faaliliuina le Tusi a Mamona. O ia o se tasi o Molimau e Toatolu o le Tusi a Mamona ma o le toeaina lona lua o le Ekalesia toefuataiina. Sa ia faasoa atu le talalelei i le aiga o Utimera ma isi ana uo i Feiete, Niu loka. I nisi taimi sa faaalai ai lona faamaualuga, e aofia ai le taimi na ia tusi atu ia Iosefa Samita le Itiiti e faatatau i se vaega o se faaaliga na te le ioe iai. O lona faamaualuga na mafua ai ona ia tuua le Ekalesia mo se taimi i le va o le 1838 ma le 1847.

## Ailama Samita

### MATAUPU FAAVAE MA FEAGAIGA 23:3



O Ailama o se uso matua o le Perofeta Iosefa Samita. Na fesoasoani o ia i le lolomiga o le Tusi a Mamona e ala i le galue tonu lea ma le tagata lomitusi. Sa ia te ia se manao tele e talai atu le talalelei toefuataiina, ae sa talosagaina o ia e faatali ma tapena e ala i le suesueina o le afioga a le Atua (tagai Mataupu Faavae ma Feagaiga 11:21–22). Sa avea ma perezitene o le paranesi muamua a le Ekalesia i Kolesavile, Niu loka. Sa faataunuuina e Ailama lona tiute i le Ekalesia ma sa faamaoni i le Alii i lona olaga atoa.

## Iosefa Knight le Matua.

### MATAUPU FAAVAE MA FEAGAIGA 23:6–7



O Iosefa Knight le Matua o se uo mamae a Iosefa Samita le Itiiti ma sa faaalai ia te ia le agalelei tele. Sa ia tuuina atu i le Perofeta ni sapalai a o galue o ia i le faaliliuga o le Tusi a Mamona. Sa ia lagonaina se manao e papatiso faatasi ma isi i le aso sa faatulagaina ai le Ekalesia, ae na ia faatali ona sa manao o ia e suesue atili i le Tusi a Mamona. E lei leva ona maua le fautuaga a le Alii i le Mataupu Faavae ma Feagaiga 23, ae filifili loa Iosefa Knight le Matua e papatiso. Sa tumau o ia o se tagata faamaoni o le Ekalesia i lona olaga atoa.

## Iosefa Samita le Itiiti.

### MATAUPU FAAVAE MA FEAGAIGA 24:1–9



O Iosefa Samita le Itiiti o le Perofeta a le Alii. Ia Aperila 1830, sa faatulagaina ai e Iosefa le Ekalesia toefuataiina. O le taimi lava lena, na feagai ai le Ekalesia fou ma sauaga. Sa pue faapagotaina Iosefa i moliaga sese ma tatalaina. Sa ia te ia le tiutetauave e tausia lona aiga ma taitai le Ekalesia i le taimi lava e tasi. “Ao pisi tele o ia e pei ona iai i le lotu fou, sa tatau ai ona ia toto ana fanua i se taimi vave pe afai na te manao i se seleselega faamanuiaina o le tautoulu. O ana tupe totogi i le tama o Ema i le faatoaga ua tuai, ma afai e le manuia ana meatoto, e tatau ona ia sailia se isi auala e totogi uma ai lana aitalafu” (*Au Paia*, 1:90).